

Nda cati seŋŋa nder yimre nde– Bashiiru Abuubakar yusŋi wi’eteende:
YIMRE JANNAH - WOYRUDE MALLUMJO

- 1.1 Yaa mumiitu mi fuɗɗiri inde Maada,
- 1.2 An woni khaaliqun tagii tagle Maada,
- 1.3 Nden a umri tagaado fuh doole haada,
- 1.4 Maama Hafsatu jeyaaɗo mo maada,
- 1.5 Ardoyii worjoyoomo Firdawsi Jannah.

- 2.1 Assalamu alaykum yaa Arrasuulu,
- 2.2 Annabiiyo Muhammadu jom kamaalu,
- 2.3 Gadduɗoo diina laatoyiika usuulu,
- 2.4 Anuduɗo diina kaa fuh wartoyi Mullu,
- 2.5 Labbiniido ka fuh yo ɗum neɗɗo Jannah.

- 3.1 Aalo’ en bee sahaabo’ en tokkinaama,
- 3.2 Taabi’iina e Taabi’i yimbe himma,
- 3.3 Be shuyuukhu e maube moodibbe ilma,
- 3.4 Julbe yedbe e laatube juuloyaama,
- 3.5 Allah Laamiido Mobdu’ en Chuudi Jannah,

- 4.1 Baawa ɗon Keeti’ ndee nanee wallifaa’ nde,
- 4.2 Wallifaa’ nde nde Mama Yaali hitaa’ nde,
- 4.3 Naa ga baawal mi tampi heɓgo yimman’ de,
- 4.4 Nde yimanmi mi numta inde manaande,
- 4.5 Ikkitiimi mi in’ di nde yimre Jannah,

- 5.1 Allah omtoowo omtanam baabu an’ de,
- 5.2 Hoynanam yusɓoyaaki yimre wiaa’ ade,
- 5.3 Woyrude maamiraawo am nde hitaa’ nde,
- 5.4 Haa’ u Faa’ u e saadi Taskeeri Maa’ nde,
- 5.5 Hafsatu Mallu Hafsah ɗum neɗɗo Jannah,